

Յոբելեաններ

Երանուհի Ղազարեան



Մելգոնեանցի Մէն մի աղջիկ, մէն մի տղայ Շնորհապարտ ինչպէ՛ս չըլլայ, Եւ անթառամ ու բազմաբոյր ծաղիկներով երախտիքի Չպասկէ Յուշադամբանն անոնց անգին: Վարուժան Պետիկեան

2018

2800-ամեակը Երեւան քաղաքին, 100-ամեակը Սարգսապատի, Բաշ-Ապարանի, Ղարաքիլիսայի հերոսամարտերուն եւ Հայաստանի Առաջին Հանրապետութեան, 30-ամեակը Ղարաբաղեան Ծարժումին: Եւ ...

50-ամեակը դասարանիս Մելգոնեան Կրթական Հաստատութենէն շրջանաւարտութեան: Չյաւակնելով մեր տարեդարձը համեմատել վերոյիշեալ ազգային յօբելեաններուն, Լուսոյ Տաճարին 1968-ի շրջանաւարտներս - 23 հոգի, առաւել ամուսիններ, տարբեր տարիներու շրջանաւարտներ, միշտ մեզի ընկերակցող հաստատարիմ հետեւորդներ, ընդհանուր թիւ 60 հոգի - նոր յոյսով լեցուն մեր հայրենիքին մէջ Մայիս 11-18 հպարտութեամբ նշեցինք մեր 50-ամեայ յօբելեանը: Վերջին տասնամեակին մեր չորրորդ հանդիպումն էր այս - 2008 Հայկական Օովագնացութիւն, 2011 Հայաստան, 2013 Կիպրոս - եւ կու գայինք Կիպրոսէն, Լիբանանէն, Յունաստանէն, Պոլիսէն, Ֆրանսայէն, Շուէտէն, Գանատայէն ու ԱՄՆ-էն:

Իրաքանչիւր մասնակից իր ժամանումին կը ստանար տոպրակ մը «Class of 68 - 4th Reunion - Yerevan May 2018» պիտակով: Պարունակութիւնը՝ Մելգոնեանի արծիւը կրող գլխարկ մը, շաբթուան ծրագիրը, Վահանին փունջ մը բանաստեղծութիւնները, ներշնչուած 2013-ին Մելգոնեան մեր այցելութենէն, Հաստատութեան 90-ամեակին առիթով պատրաստուած «Temple of Light» տեսաերիզը եւ վկայական մը՝ յար եւ նման ՄԿՀ-ի վկայականներուն, հայերէն ու անգլերէն հետեւեալ գրութեամբ. «ՄԿՀ-ի պատմութեան մէջ, առաջին անգամ ըլլալով կը տիրանաս իսկական արժեքաւոր երկրորդ վկայականի մը փոխան քու անսակարկ նուիրումիդ եւ անթիւ զոհողութիւններուդ, հանդերձ ընտանիքիդ, շրջանակիդ եւ ընդհանրապէս մարդկային ցեղին: Երեւան, 12 Մայիս 2018»: Գրութիւնը նոյնն էր բոլորին համար: 50 տարի վերջ հասարակ յայտարար:

Ունեցանք լաւ կազմակերպուած ծրագիր մը՝ պտոյտներ, ընտիր ճաշարաններ, համեղ ճաշերով, երգով ու երաժշտութեամբ, առաջնակարգ ուղեկցող մը Սիրանուշը: Կ'արժէ առանձնացնել տեղական գոյնով Գեղարգունիքի Օաղկունք գիւղի պարտէզ-ճաշարանը, ուր անուանի խոհարարը մեր ներկայութեան պատրաստեց ու թոնիր իջեցուց ամբողջ գառնուկը, որ ճաշակեցինք տաուլ-գոռնայի, երգ ու պարի - եւ անձրեւի - ընկերակցութեամբ. Դիլիջանի Դոլմամա ճաշարանը, ուր ըմբռնեցինք օփերայի երգիչներու քառեակի մը կատարումները. Էջմիածնի «Հայ Միասնութեան Խաչ» բարեգործական մշակութային հասարակական կազմակերպութեան կեդրոնը, ուր ճաշարանէն զատ կը գործեն զանազան արհեստանոցներ եւ ցուցասրահներ, որոնց հասոյթը կը յատկացուի կազմակերպութեան բարեսիրական ծրագիրներուն, մանաւանդ մանուկներուն. «Օիրանի»

ռեստորանային համալիրը, ուր գեղեցիկ միջավայրի մը մէջ վայելեցինք շնորհալի ջութակահարուհիներու քառեակ մը:

Կիրակի, Մայիս 13-ի առաւօտեան բոլորս ներկայ գտնուեցանք Սբ. Հռիփսիմեանց տաճարի հոգեպարար արարողութեան, որու աւարտին հոգեհանգստեան պաշտօն կատարուեցաւ Գրիգոր եւ Կարապետ Մելգոնեան բարերարներու, ինչպէս նաեւ մեր ուսուցիչներէն Սարգիս Համալոյեանի եւ Մեայուհ Աբգարեանի խնկելի յիշատակին:

Պարոն Սարգիս Համալոյեան եւ Տէր եւ Տիկին Միհրան Ճիզմէճեաններ միացած էին մեզի նախորդ երեք հանդիպումներուն: Այս անգամ զգալի էր իրենց բացակայութիւնը: Պարոն Համալոյեան անդարձ բաժնուած էր մեզմէ մի քանի ամիս առաջ, իսկ Վարդուկ եւ Միհրան Ճիզմէճեաններ կը սգային անժամանակ կորուստը իրենց որդւոյն Արային: Ուրեմն Միսաք գաղափարը ունեցաւ բոլորիս կողմէ գրելու Լիւսի Համալոյեանին եւ Ճիզմէճեան ամուլին, յայտնելու համար թէ զգալի էր իրենց բացակայութիւնը եւ իրենց մաղթելու միտքարութիւն: Լիւսիին պատասխանը յուզեց մեզ:

Մեր ծրագրի թերեւս ամենէն նշանակալի եւ յուզիչ պահերը ապրեցանք երբ այցելեցինք Արարատի Մարգի Մասիս քաղաքի Վահրամ Բաբայեանի անուան թիւ 2 հիմնական դպրոցը, 9 դասարան, մօտ 900 աշակերտ: Մեր դասընկերներէն Վահան Մուրատեան նախաձեռնած էր դպրոցին սատարելու գաղափարին, իրեն միացած էին Շնորհիկ եւ Տիգրան Ալթունեաններ, իսկ դպրոցի նախկին սանի մը նուիրատուութեամբ վերջերս կառուցուած էր հանդիսասրահը: Այստեղ նշեմ թէ մեր հրաժեշտի ճաշկերոյթին այս դպրոցին համար հանգանակուեցաւ աւելի քան 8,000 տոլար: Դպրոցի մուտքին աշակերտները մեզ դիմաւորեցին Մելգոնեանի քայլերգով: Այդ պահուն մտաբերեցի թէ ՄԿՀ վերջին տարիներու աշակերտներուն քայլերգը չէին սորվեցներ, յետին նպատակներով:

Դպրոցի մուտքին կար յուշաքար մը, մէկ կողմը Այբուբեն, միւս կողմը «Ճանաչել զիմաստութիւն եւ զիւրատ, իմանալ զբանս հանճարոյ», Ս. Մեսրոպ Մաշտոցի թարգմանած առաջին նախադասութիւնը: Իսկ միջանցքներու պատերուն շէ մաղթերգը, Տէրունական աղօթքը եւ Ամենայն Հայոց Հայրապետին պատկերը: Ճոխ յայտագիր մը պատրաստուած էր մեզի համար - երգ, ասմունք, խմբային արտասանութիւն, պար - որու ամբողջ տեւողութեան բեմին ետեւի պաստառին վրայ կը տողանցէին ՄԿՀ-ի դրուագներ: Չոր այք չմնաց, ոմանք ուղղակի կը հեկեկային: Շնորհակալական եւ շնորհատրական խօսքով հանդէս եկան պարոն Վարդան Թաշճեան, Վահան, Շնորհիկ եւ Տիգրան, տնօրէնութիւնը: Յաջորդեց հիւրասիրութիւն ու կտրուեցաւ յատուկ պատրաստուած կարկանդակ, Մելգոնեան բարերարներու նկարով եւ մեր յիսնամեակը խորհրդանշող 50 թիւով: Երբ կը մեկնէինք, բակին նայող երկրորդ յարկի պատուհաններու ետին խոնուած էին աշակերտները, որ մեզի բարի երթ կը մաղթէին փոքր եռագոյն դրօշակներ ձօճելով: Յուզումի պահ մը եւս, կէս դարու հետաւորութենէն: Ինչ Մելգոնեան, ինչ Մասիս քաղաքի թիւ 2 հիմնական դպրոց ...

Մեր եզրափակիչ յօբելեանական ճաշկերոյթը տեղի ունեցաւ Megerian Carpets գորգի կեդրոնին մէջ Մայիսի 17-ին: Նախ այցելեցինք գորգի թանգարանը, ծանօթացանք Մըկըրեան ընտանիքի երեք սերունդ գորգի գործով զբաղումին, տեսանք հաստոցներ, ներկեր, պատմական գորգեր, Երեւանի 2800-ամեակին առիթով քաղաքապետարանին նուիրուելիք սքանչելի գորգը: Ապա անցանք ճաշասրահ, ուր արդէն կը լսուէին քանոնի եւ տաւիղի հնչիւնները: Չայն տուաւ Շահէն ու երգեցինք ՄԿՀ քայլերգը Անմահ լուսոյ, ճշմարտութեան, բարիին,

Տաճարն է այս, սրբանուէր, թանկագին,
Ան մեզ տուաւ, նահատակուած մեր ցեղին,
Ջուակներէն լաւագոյնը ու բարին:

Բացման խօսքով հանդէս եկաւ Արան, ապա խօսքը տուաւ Բիւզանդին, որ խնդրեց մէկ վայրկեան յոտնկայս լռութիւն առ ի յարգանք մեզմէ յաւէտ բաժնուած մեր ընկերներուն, ուսուցիչներուն, բարերարներուն, մանաւանդ վերջերս մահացած Սարգիս Համալոյեանին եւ Միհրան Ճիզմէճեանի որդւոյն Արային: «Երագի պէս դարձեալ անցան այս եօթ օրերը - կարօտի հանդիպման յագեցման վայրկեաններ», ըսաւ ան ու շարունակեց «նողկանք կը զգամ այն մարդոց, որոնք մեր դպրոցը այս վիճակին բերին եւ կը հիանամ ընկերներուս վրայ, որոնք տակաւին իրենց յոյսը չեն կտրած Մելգոնեանի բացուելուն»: Վերահանդիպումի մաղթանքներով փակեց ան իր խօսքը, ապա մէկական տուն արտասանեց արեւմտահայ բանաստեղծներու գործերէն ու երգեց «Տէլ Եաման»ը:

Մելգոնեանի շրջանաւարտ, ուսուցիչ, Լոս Անճէլըսի Արշակ Տիգրանեան վարժարանի երկար-ամեայ տնօրէն Վարդգէս Գուրուեան ներկայացուց օրուան մեծարեալ Վարդան Թաշճեանը, որուն յանձնուեցաւ Մելգոնեանը, Խորհրդանիշը եւ ջրամբարը պատկերող յուշանուէր մը:

Խորհրդածություններ՝ Հայաստանի վերջին զարգացումներուն առիթով

Նիկոլ Փաշինեանի Թաւշեայ Յեղափոխութիւնը 100-ամեակի Դափնեպսակը Պիտի Հանդիսանայ Պայմանաւ որ...

Դոկտ. Արշալիր Կէօնճեան



անցնելով Մայիս 28 Առաջին անկախութեան եւ Հանրապետութեան հռչակումէն, յետոյ անցնելով 1920-ին ստեղծուած Սովետական Հայաստանի Երկրորդ Հանրապետութենէն եւ 70 տարուայ ընթացքին այնտեղ կառուցուած պատկառելի պետութենէն, եւ ի վերջոյ 1991-ին հռչակուած Երրորդ նորանկախ Հանրապետութենէն, մինչեւ այսօր մեզի հասած հայոց հարիւր տարեկան ՊԵՏԱԿԱՆՈՒԹԻՒՆՆԵՐՆԵՐ Է՝ Ոչ աւելի եւ ոչ պակաս:

Անցաւ 2018 Մայիս ամիսը եւ Մայիս 28-ը: Ի վերջոյ ամբողջ մէկ տարիէ ի վեր 100-ամեակի նախօրէին կատարուող յայտարարութիւնները, վերլուծումները, փոխադարձուող հանրային գրաւոր եւ բերանացի բանավեճերը ինչպէս նաեւ Երեւանէն մինչեւ Մփիւռքի տարբեր կեդրոններու մէջ տեղի ունեցած ծրագրուած 100-ամեակի նշումները եւ տօնակատարութիւնները, ահա կատարուեցան եւ վերջացան:

Վերելը յիշուած այս ամբողջ ժամանակամիջոցին սակայն, բացի վերջին քանի մը շաբաթներէն, ոչ մէկուն միտքէն կրնար անցնիլ եւ բնականաբար ոչ ալ մէկը կրնար նախատեսել, թէ ճիշդ 100-ամեակի բուն տարեդարձին պիտի նոյնպէս կատարուէր ամբողջ Հայաստանը եւ նաեւ հայրութիւնը ցնցող պատմական իրադարձութիւն մը որ հասկնալիօրէն կոչուեցաւ «Թաւշեայ Յեղափոխութիւն» եւ որ կարելի է արդարօրէն նկատել անցնող հարիւր տարիներուն մէջ ժողովուրդին եւ յատկապէս հայրենիքին անցած ճանապարհին դափնեպսակը, ու այդ առիթով հայրենիքին ստացած հրաշալի նուէրը: Վերնագրին մէջ կ'աւելցնեմ սակայն, «պայմանաւ որ...» սահմանումը որ բնականաբար կը կարօտի բացատրութեան:

Նախ տեղին է շատ հակիրճ կերպով անդրադառնալ նոյն ինքն 100-ամեակին:

Երբ տարի մը առաջ, Հայաստանի իշխանութիւնները յայտարարեցին թէ այս տարուայ Մայիսին պիտի նշուէր այս պատմական իրադարձութիւնը, հասկնալիօրէն այդ ծանուցումը տուն տուաւ վերելը յիշուած հրապարակային փոխանակումներուն, սակայն այսօր այլեւս կատարուած բոլոր վերլուծումներէն, պատմական տուեալներու բացայայտումներէն եւ պաշտօնական եւ հանգամանաւոր անհատներու յայտարարութիւններէն ետք, կը խորհիմ թէ որեւէ գիտակից, հետաքրքիր, եւ դիտող եւ ընթերցող հայու համար յայտնի է թէ նշուած հարիւրամեակը ամբողջ հայ ժողովուրդին հպարտութիւն եւ ցնծութիւն ներշնչող առիթ մըն էր: Այս հարիւրամեակը կը պատկանէր ամբողջ հայ ժողովուրդին եւ կը վերաբերէր անցնող հարիւր տարիներուն ընթացքին անոր ապրած, գործած, պայքարած, պատերազմած եւ յաղթած բոլոր հանգրուաններուն եւ այդ բոլորով ձեռք բերած բոլոր իրազորումներուն որոնց ընդհանուր գումարը պարզապէս 1918 Մայիսի յաղթական հերոսամարտերէն սկսելով,

Այդ հարիւր տարիներուն ընթացքին հայ ժողովուրդի տարբեր հոսանքները, տարբեր կազմակերպութիւնները, տարբեր կուսակցութիւնները եւ տարբեր անձնաւորութիւնները ունին իւրաքանչիւրը իրենց պատմութիւնը իրենց կատարած իրազորումները, սխրագործութիւնները եւ երբեմն ձախաւեր-ութիւնները, գովելի եւ նաեւ յատուկ պարագաներու մէջ դատապարտելի արարքները: Մակայն ընդհանուր գումարը հանդիսացող Պետականութեան տօնին առիթով պէտք էր դիտել ամէն ինչ վերէն եւ տեսնել միայն ընդհանուր գեղեցկութիւնը: Եւ բարեբախտաբար այդպէս ալ եղաւ:

Շնորհաւոր ըլլայ Հայոց Պետականութեան 100-ամեակը:

Մակայն հայ ժողովուրդը ունեցաւ աւելին:

Արդարեւ Հայաստանի բնակիչին համար եւ սփիւռքահայ մտահոգ եւ ուշադիր դիտողին համար բացայայտօրէն նորանկախ Հայաստանին մէջ կեանքը բոլորովին հանգիստ չէր: Ամէն օր եւ ամէն ժամ խօսիլ բացասական երեւոյթներուն մասին տեղին չէ եւ մանաւանդ արդիւնաւոր (productive) չէ: Մակայն յաջորդական յարմարագոյն առիթներով կը կատարէինք մեր դիտողութիւնները երբեմն խիստ երբեմն աւելի քաղաքավար դարձածքներով, թէ յատկապէս վերջին աւելի քան տասնեակ մը տարիներու ընթացքին օրուան իշխանութիւնները երկրին մէջ տիրող մթնոլորտը երթալով աւելի հեղձուցիչ դարձուցած էին, յատկապէս ընկերային կեանքին մէջ եւ գործառնութեանց ընթացքին, օրէնքը եւ արդարութիւնը երթալով ընդվզեցուցիչ չափերով արհամարհելը սովորական եւ բնական դարձնելով:

Քաղաքակիրթ երկրի մը համար անընդունելի այս վիճակին կարելոր եւ ահաւոր արդիւնքներէն մէկը Հայաստանի քաղաքացիներուն տագնապալի չափերու հասած մեծ թիւով արտագաղթն էր անկասկած: Որոշ է թէ առանց բնակիչի Հայաստան չի կրնար գոյութիւն ունենալ:

Ահա այս պայմաններուն մէջ է որ 2018 Ապրիլին Յանկարծ յայտնուեցաւ Նիկոլ Փաշինեանի գլխաւորած եւ այս բոլորին դէմ արտայայտուող բողոքի շարժումը, որ օրերու ընթացքին, փոխանակ սկզբնաւորութեան ժամանակաւոր կարծուած երեւոյթի մը, վերածուեցաւ ամբողջ երկրին մէջ տարածուած ժողովրդական բողոքի եւ պոթելու մի շարժման մը եւ որ ի պատիւ բոլորին, այսինքն թէ այս շարժման ղեկավարներուն եւ ժողովուրդին, եւ թէ նախորդ իշխանութեան ղեկավարներուն, քանի մը շաբթուայ ընթացքին հանգեցաւ

իշխանութեան ամբողջական դրական յեղաշրջումին:

Անհաւատալի եւ ամբողջ աշխարհին համար աննախընթաց գովելի երեւոյթ մըն էր այս որուն հիմնական նպատակը եւ ձեռք բերուած յաջողութիւնը կը կայանար երկրին մէջ օրէնքի եւ արդարութեան նկատմամբ յարգանքի վերահաստատման մէջ: Մասնաւորապէս, այսպէս կոչուած համատարած «Գորբուպցիան» վերջնականօրէն արմատախիլ ընելու սահմանուած շարժման յաղթանակին մէջ:

Այսօր տակաւին հազիւ թէ քանի մը շաբաթներ անցած են Մայիսի 8-ին այս ժողովրդավարական շարժման ղեկավար՝ Նիկոլ Փաշինեանի Ազգային ժողովին կողմէ Վարչապետ ընտրուելու պատմական անկիւնադարձէն: Բնականաբար նախատեսուած ամբողջ Հայաստանի տարածքին կատարուելիք բարեփոխութիւններուն իրագործումը պիտի պահանջէ բաւական ժամանակ եւ պայքար:

Մէկ օրէն միւսը չէ որ այդպիսի յեղաշրջում կրնայ կատարուիլ:

Մակայն բարեբախտաբար մինչեւ այսօր առնուած քայլերը արդէն իսկ իսկական յոյս եւ վստահութիւն կը ներշնչեն:

Հրաշալի եւ դրական երեւոյթներէն մէկը այն է թէ ամբողջ հայ ժողովուրդին մէջ բայց մանաւանդ Հայաստանի մէջ, յանկարծ կը տիրէ լաւատեսութիւն, յոյս եւ նոյնիսկ վստահութիւն թէ այլեւս ամէն բան անդառնալի կերպով պիտի մտնէ լաւ հունի մէջ:

Որպէս Մփիւռքահայ երբ այս օրերուն կը կարդանք եւ կը դիտենք Հայաստանի մէջ տեղի ունեցող լրատուութիւնները, հարցազրոյցները եւ վերլուծումները, անխուսափելիօրէն այնտեղ կը տեսնենք թէ կը տիրէ իսկապէս անկեղծ գոհունակութեան եւ անկեղծ արտայայտութեան վիճակ մը որ այլեւս բոլորովին կը բացակայէր մինչեւ այս վերջին Մայիսեան յեղաշրջումը:

Մակայն ահա ճիշդ այս հանգրուանին է, որ նոր իշխանութիւնը գլխաւորութեամբ Վարչապետ Նիկոլ Փաշինեանին, եւ իր հետ ամբողջ հայ ժողովուրդը, յատկապէս ի Հայաստան եւ սակայն նաեւ ի վերջոյ ի սփիւռս աշխարհի, խանդավառութեան եւ տօնախրմբութեան առաջին օրերէն ետք, պէտք է մտնէ շատ լուրջ եւ խոր հաշուարկումներով առնուելիք յախուռն քայլերու շրջանի մը մէջ եւ օգնէ որ լաւատեսութիւնը հասնի իրական գործնական բարելաւումներու:

Նոր իշխանութիւնը եւ հայաստանաբնակ ժողովուրդը պարտի խուսափիլ քանի մը փորձութիւններէ:

Անոնցմէ առաջինը անհամբերութիւնն է: Այնքան ժամանակ որ նոր իշխանութիւնը հաստատօրէն եւ գործնականօրէն իր առած քայլերուն մէջ կը դրսեւորէ արդարութեան անզիջող գործադրութեան նախապայմանը, պէտք չէ անհամբերութիւն ցոյց տալ այս կամ ան անարդարութեան անմիջական վերացումը չի տեսնելու պարագային:

Անշուշտ անհրաժեշտ է հետեւողականօրէն բացայայտել այդ բոլոր վիճակները եւ անզիջող կերպով պահանջել սրբագրութիւնները եւ պահանջել բարեփոխութիւններուն արգելք կեցողներուն նկատմամբ օրինական պատժամիջոցներու գործադրութիւնը:

Մակայն այլեւս անընդունելի է փողոց իջնելով երկրին նորմալ կեանքը եւ ընթացքը խանգարելու ձեռնարկելը:

Շարունակում է 2-ին

Յորելաններ...

Շնորհակալական խօսքով հանդես եկավ Մելգոնեանի շրջանաւարտ, ուսողութեան ուսուցիչ, Նիկոսիոյ «Նարեկ» վար-ժարանի երկարամեայ տնօրէն Վարդան Թաշճեան, շնորհաւորելով Յիսնամեակի համախմբումը իրականացնող Արա Գուլեանը, Վահէ Հալաճեանը, Միսաք Ներսէսեանը եւ բոլոր օգնականները: Շնորհակալութիւն յայտնեց իր բարեկամ Վարդգէս Գուրուեանին դրուատական խօսքերուն համար, աւելցնելով թէ յուշանուէրը կ'ընդունի նաեւ որպէս



յարգանքի տուրք իր պաշտօնակիցներուն՝ հայ թէ օտար նուիրեալ մշակներուն: Արտայայտեց բոլորին խորագգաց վշտակցութիւնները եւ միախորակեց զգացումները Համայնեան եւ Ճիզմեան ընտանիքներուն եւ պարագաներուն: «Որքան ալ փոխուեցանք օրէ օր, Մելգոնեանը միշտ մնաց երիտասարդ մեր մտքին ու մտածումներուն մէջ առտուրնէ մինչեւ իրիկուն, եւ մեր երագներուն մէջ՝ կէս գիշերէն մինչեւ արշալոյս», ըստ ան: «Այս այն Մելգոնեանն է, որ լրած է ալ, 12 տարիներէ ի վեր, որուն զանգակը չի հնչեր ալ, որուն միջանցքներէն չեն լսուիր ալ սանսանուհիներու կրունկներուն կռիւնք, որուն օդին մէջ չկայ արձագանգը առաւօտեան «Անմահ Լուսոյ»ին եւ «Աւետիս Հայեր»ուն, որուն անտառները, շէքերը, դամբանը, բարերարներու վիլլան, արձանները տխուր են, երբ չկայ ալ կեանք ու շարժում անոնց շուրջ»:

Ան ըստ թէ բնութեամբ ալ գեղեցիկ էր Մելգոնեանը - ներշնչումի աղբիւր թէ իր գրիչին եւ թէ վրձինին: Երախտագիտութիւն յայտնեց իր կեանքին մէջ իր կողակիցին Միլվային ներկայութեան համար - գալ տարի կը լրանայ իրենց ամուսնութեան յիսնամեակը - «որ երջանիկ կեանքի օրհնութիւնը եղաւ»: «Պաւօ» տուաւ Վահանին ու Տիգրանին Մասիսի դպրոցի նախաձեռնութեան համար եւ խօսքը աւարտեց ըսելով. «սիրելի քոյրեր եւ եղբայրներ, եթէ ես շուրջ կէս դարու կրթական կեանքիս ընթացքին կրցայ ձեզի պէս առողջ սերունդներ պատրաստել, ալ ինձմէ աւելի երջանիկ անձ չկայ ու չի կրնար ըլլալ»:

Անակնկալ մըն ալ վերապահուած էր ինծի: Դասընկերներս, գնահատելով մեր կապը վառ պահելու, մեր գործունէութեան մասին մամուլին մէջ գրութիւններս, ՄԿՀ խորհրդանիշը կրող ապակեայ յուշանուէր մը յանձնեցին, ձեռամբ Միսաքին, հետեւեալ գրութեամբ «Միքելի Երանուհիին, մեր շրջանաւարտութեան Ոսկեայ կիսադարեան տարեդարձին առիթով, առ ի շնորհակալութիւն եւ արտայայտութիւն մեր երախտագիտութեան հանդէպ ժրջան աշխատանքիդ, որպէս մեր դասարանի պաշտօնական բանբեր եւ բոլոր հետաքրքրաշարժ անցուդարձներու անխոնջ տեղեկատու»: Շրջապատուած «կարգադրիչ յանձնախումբ»ի անդամներով, խօսք առի ըսելով թէ մեր կապը վար պահելը հաճոյք կը պատճառէր նախ եւ առաջ ինծի եւ թէ երախտապարտ էի ծնողքիս, որ իմաստութիւնը ունեցած էին զիս Մելգոնեան զրկելու եւ առիթը ընծայած ունենալու նուիրեալ ուսուցիչներ եւ իրենց նման քոյրեր ու եղբայրներ:

Յուցադրուեցաւ կարճ ժապաւէն մը, պատրաստուած Արային կողմէ, մեր դպրոցական տարիներու դրուագներով: Բաշխուեցան մեր հանդիպումներէն անպակաս պըրթի մրցաշարքի բաժակները. յաղթողներ Յակոբ Գասարճեան եւ Վարուժ Մարգիսեան: Մի քանի երգ երգեցինք մեր սոխակներուն՝ Ովսաննային եւ Շահէին առաջնորդութեամբ, Վարդուկ եւ Միսաք կտրեցին յիսնամեակի կարկանդակը, ու մեր Արմէն փեսան, մեր հանդիպումի պաշտօնական լուսանկարիչը, նկարեց հա նկարեց ...

Այսպէս վերջ գտաւ մեր պաշտօնական ծրագիրը: Ոմանք մեկնեցան յաջորդ օրն իսկ, ուրիշներ պիտի մնային մի քանի շաբաթ եւս:

Առաջին օրը կատակած էր Արան «զանգատները Վահէին, շնորհակալութիւնները ինծի»: Գանգատ չունեցանք: Ուրեմն շնորհակալութիւն բոլորիդ Արա, Վահէ, Միսաք եւ օգնականներ: Ձեր վարձքը կատար: Ցտեսութիւն:

Մայիսի 18-ին մեր դասընկերներէն Գեորգ Մարաշեան, Գրիգոր Մարոնեան, Մանուկ Երլորդեան, Բիզանդ եւ Մարի Ազպաշեաններ Մելգոնեանի վերաբացումի հարցով հանդիպում ունեցան ՀՀ Սփիւռքի նորանշանակ նախարար Միխայիլ Հայրապետեանի հետ:

Անհատաբար թէ փոքր խումբերով այցելեցինք Պատմութեան թանգարան, Գառնիի Կիրճ, Կոմիտասի թանգարան եւ Պանթոն, վայելեցին «Մայաթ-Նովա» օփերան:



Երբ Կոմիտասի թ ա ն գ ա ր ա ն ի ն ուղեկցողը աւարտեց իր բացատրութիւնները, Ովսաննան ու ես պատմեցինք իրեն միայն Վահան Պետրեանին - Մելգոնեանի երաժշտութեան ուսուցիչ եւ Կիպրոսի երաժշտութեան հայր - աշակերտներուն ծանօթ դրուագ մը: Կոմիտասի Փարիզեան շրջանին Վահան Պետրեան կ'այցելէ հոգեբուժարան եւ կը փափաքի տեսնուիլ հետը: Կոմիտաս իր սենեակը չ'ըլլար, ուրեմն Պետրեան տեսնուելու փափաքը կը յայտնէ թուղթի մը վրայ գրելով: Երբ կը վերադառնայ վարդապետը, կը կարդայ թուղթը, կը ճմռթկէ ու զետիկ կը նետէ: Առաջին առիթով Պետրեան կ'առնէ թուղթը, կը շտկէ ու մասունքի պէս կը պահէ մինչեւ կեանքին վերջը, իր աշակերտները բաժնեկից դարձնելով այդ գանձին: Արցունք բերինք ուղեկցողին աչքերուն:

Անակնկալ հանդիպումները շատ էին մեր կեցութեան շրջանին: Կ'ըսեն՝ աշխարհը փոքր է: Հայաստանով աւելի կը փոքրանայ:

Կը Ծրագրեմ Կրկին Այցելել Հայաստան եւ Դեմ Առ Դեմ Հանդիպիլ Պարոն Փաշինեանի Հետ. Կարօ Փայլան

Թուրքիոյ խորհրդարանի հայ պատգամաւոր Կարօ Փայլան մտադիր է յառաջիկային Հայաստան այցելելու եւ հանդիպելու ՀՀ վարչապետ Նիկոլ Փաշինեանի հետ:



Ան նշած է, որ Հայաստան գալը պիտի իրականացնէ Թուրքիոյ մէջ կայանալիք արտահերթ խորհրդարանական ընտրութիւններէն անմիջապէս ետք:

խորհրդարանական ընտրութիւններէն

Փայլան խօսած է նաեւ ՀՀ իր նախորդ այցին ժամանակ՝ 2017 Սեպտեմբերին, Փաշինեանի եւ ԵԼԲ խմբակցութեան անդամներուն հետ հանդիպման մասին: «Այն ատեն անոնք իրենց համեստ կուսակցութիւն կը համարէին: Սակայն ես անոնց ըսի, որ կը հետեւիմ իրենց կուսակցական ծրագիրին, որ շատ նմանութիւններ ունի Ժողովրդադեմոկրատական կուսակցութեան ծրագիրին հետ»:

Նաեւ ըսի, որ հաստատ պիտի յաջողին, եւ որ ես կ'աջակցիմ իրենց: Սակայն, իրօք, այն ժամանակ, անգամ ես չէի սպասեր, որ այսքան արագ յաջողութեան պիտի հասնին:

Ասկէց 6 ամիս անց անոնք Հայաստանի մէջ անաղմուկ յեղափոխութիւն ըրին եւ չքաւորներու, ճնշուածներու ձայնը փողոցներէն, ժողովրդավարական փոփոխութեան քամիով, տեղափոխեցին իշխանութեան դէպ: Կը ծրագրեմ շուտով, Թուրքիոյ մէջ ընտրութիւններէն անմիջապէս ետք, կրկին Հայաստան այցելել եւ դէմ առ դէմ հանդիպիլ պարոն Փաշինեանի հետ», - ըսած է Փայլան:

Ան նաեւ նշած է, որ հայկական հարցին եւ, ընդհանրապէս, բոլոր ժողովուրդներու ինդիքներուն ուղղութեամբ իր կուսակցութեան քաղաքականութիւնն ու դիրքորոշումը յստակ է. Թէ բոլոր ժողովուրդներու՝ անցեալին ենթարկուած ցեղասպանութիւններու եւ կոտորածներու հետ առերեսուիլ, եւ թէ՛ ներկայ քաղաքականութեան առումով՝ հաւասարութեան սկզբունքի վրայ հիմնուած կենսակերպ մը հաստատել: «Մեր պայքարը կը տարուի այդ իսկ ուղղութեամբ: Այս հարցով իմ կուսակցութիւնը ո չ մէկ «բայց» կամ «սակայն» չունի: Կուսակցութիւնս կը վարէ բոլոր ժողովուրդներու եղբայրութիւնն ու հաւասարութիւնը հաստատելու եւ անցեալի հետ առերեսուելու քաղաքականութիւն, որ պիտի շարունակէ նաեւ յետագային», - ըսած է ան:

ՀՀ Վարչապետը ԼՂ հակամարտության խաղաղ կարգաւորման այլընտրանք չի տեսներ

Լեռնային Ղարաբաղի հակամարտութիւնը պետք է կարգաւորուի բացառապէս խաղաղ ճանապարհով: Deutsche Welle-ի ռուսական ծառայութեան տուած հարցազրոյցին ընթացքին, այս մասին խօսած է ՀՀ վարչապետ Նիկոլ Փաշինեան:



«Սոչիի մէջ ՌԴ նախագահ Վլատիմիր Փութինի հետ հանդիպման ընթացքին, ի թիւս այլ հարցերու, քննարկած ենք նաեւ ղարաբաղեան հարցը: Շատ կարեւոր եղած է ընդգծելը, որ հարցի խաղաղ կարգաւորումը խնդիր լուծման միակ ճանապարհն է: Այստեղ չկայ որեւէ ուժային լուծման տարբերակ: Ատիկա ոչ միայն Հայաստանի, այլեւ Ռուսիոյ դիրքորոշումն է: Բարձրացուցած են նաեւ Ռուսիոյ կողմէ Ատրպէյճանին զենք վաճառելու հարցը: Կը կարծեմ, որ մենք կառուցողական քննարկում ունեցած ենք»,- ըսած է Նիկոլ Փաշինեան:

Ան նշած է, որ բարեկամական տրամադրուած է ինչպէս ՌԴ նախագահ Փութինի, այնպէս ալ ԵԱՏՄ անդամ միւս պետութիւններու ղեկավարներուն նկատմամբ:

«Հայաստանը խաղաղ երկիր է, հայ ազգը խաղաղասեր է: Միեւնոյն ժամանակ մեզի համար կարեւոր են մեր երկրի շահերը: Մենք սերտ յարաբերութիւններ ունինք Ռուսիոյ հետ, եւ ես յոյս ունիմ, որ այդ յարաբերութիւնները պիտի դառնան աւելի խոր»,- ըսած է ան: Նիկոլ Փաշինեան ընդգծած է, որ Հայաստանը շատ լաւ յարաբերութիւններ ունի Եւրոմիութեան, ԱՄՆ-ի, Իրանի, Վրաստանի եւ բոլոր այն երկիրներու հետ, որոնք կ'ուզեն ու պատրաստակամ են զարգացնելու Հայաստանի հետ գործընկերութիւնը:

Խօսելով Սոչիի մէջ կայացած ԵԱՏՄ գագաթնաժողովին մասին՝ Նիկոլ Փաշինեանը նշած է, որ այնտեղ դրական մթնոլորտ կար: «Կը կարծեմ, որ այս փուլին ձեւաւորուեցան շատ լաւ անձնական յարաբերութիւններ: Վստահ եմ, որ այդ յարաբերութիւնները շատ աւելի լաւը պիտի դառնան»,- ըսած է Նիկոլ Փաշինեան:

ՀՀ վարչապետը մանրամասնած է, որ Փութինի հետ խօսած են Հայաստան-Ռուսիա յարաբերութիւններուն, ԵԱՏՄ-ի, ՀԱՊԿ-ի ծիրէն ներս բազմակողմանի համագործակցութեան վերաբերեալ հարցերու մասին:

“Հայաստանի ռազմավարական յարաբերութիւնները Ռուսիոյ հետ ամուր հիմքեր ունին” ՀՀ ԱԳ նախարար.

Ռուսիոյ հետ Հայաստանը ունի շատ խոր, կարեւոր յարաբերութիւններ, որ պիտի ըլլայ շարունակական: «Ազատութիւն» ռատիոկայանի «Կիրակնօրեայ վերլուծական» ծրագիրին տուած հարցազրոյցին ընթացքին, այս մասին ըսած է ՀՀ արտաքին գործոց նախարար Զոհրապ Մնացականեան:



«Ռազմավարական համագործակցութիւնը, ռազմավարական յարաբերութիւնները Ռուսիոյ հետ ունին շատ ամուր հիմքեր, շատ տրամաբանական եւ բացատրելի, եւ մենք խնդիր չունինք ատիկա շատ յստակ բացատրելու մեր միւս գործընկերներուն»,- ըսած է

Հայաստանի Հանրապետութեան Վարչապետն Այցելեց Մայր Աթոռ Սուրբ Էջմիածին

Յունիսի 1-ին, հրաւերով Ն.Ս.Օ.Տ.Տ. Գարեգին Բ. Շայրազոյն Պատրիարք եւ Ամենայն Հայոց Կաթողիկոսի, Հայաստանի Հանրապետութեան վարչապետ Նիկոլ Փաշինեանն այցելեց Մայր Աթոռ Սուրբ Էջմիածին, ուր «Վաչէ եւ Թամար Մանուկեան» մատենադարանում հանդիպեց Գերագոյն հոգեւոր խորհրդի անդամների, հայաստանեան թեմերի առաջնորդների եւ Մայր Աթոռում պաշտօնավարող եպիսկոպոսների հետ:



Նորին Սրբութիւնը, ողջունելով ՀՀ վարչապետի այցը Մայր Աթոռ Սուրբ Էջմիածին, շնորհաւորեց եւ իր օրհնութիւնը փոխանցեց նրան ծննդեան տարեդարձի կապակցութեամբ՝ մաղթելով Աստուծոյ օգնականութիւնը:

Ապա Վեհափառ Հայրապետը ՀՀ վարչապետին ներկայացրեց Գերագոյն հոգեւոր խորհրդի անդամներին եւ ներկայ հոգեւորականներին, տեղեկութիւններ փոխանցեց ԳՀԽ գործունէութեան եւ ժողովի օրակարգում ընդգրկուող ազգային-եկեղեցական կեանքը յուզող զանազան խնդիրների մասին:

Գարեգին Բ. Կաթողիկոսը ՀՀ վարչապետի հետ հանդիպումը պատշաճ առիթ նկատեց հոգեւոր դասի համար՝ ծանօթանալու ապագայի վերաբերեալ նրա տեսլականին եւ լուսաբանութիւններ ստանալու մեր ժողովրդին յուզող տարբեր խնդիրների վերաբերեալ:

Անդրադառնալով վերջին շրջանի ներհայաստանեան քաղաքական իրադարձութիւններին՝ Վեհափառ Հայրապետը գոհունակութեամբ արձանագրեց, որ դրանք հանգուցալուծուեցին խաղաղ գործընթացներով: Ամենայն Հայոց Կաթողիկոսը հայցեց Երկնաւորից, որպէսզի Տէրը զօրացնի հայ ժողովրդին՝ կերտելու խաղաղ եւ բարօր հայրենիք, ապրելու ստեղծագործ ու երջանիկ կեանքով:

Ամենայն Հայոց Հայրապետը հանդիպման ընթացքում ՀՀ վարչապետին յաջողութիւններ մաղթեց իր պատասխանատու պաշտօնում:

Այնուհետեւ ներկաներին ողջունեց ՀՀ վարչապետ Նիկոլ Փաշինեանը՝ ուրախութիւն յայտնելով հանդիպման հնարաւորութեան համար: ՀՀ վարչապետը, խօսելով Հայաստանում սիրոյ եւ համերաշխութեան կարգախօսի ներքոյ տեղի ունեցած փոփոխութիւնների մասին, կարեւորեց ամենքի ջանքերի մէկտեղումը, որպէսզի ձեւաւորուած այդ մթնոլորտը լինի մշտական իրողութիւն Հայաստանի Հանրապետութիւնում եւ ընդհանրապէս հայ ժողովրդի մէջ: Պրն. Նիկոլ Փաշինեանը կարեւորեց ստեղծարար մթնոլորտի ձեւաւորումը, որը կը նպաստի անվտանգութեան եւ բարեկեցութեան մակարդակի բարձրացմանը եւ ազգային միասնութեան ամրապնդմանը:

Վարչապետ Փաշինեանն անդրադարձ կատարեց նաեւ Հայոց Եկեղեցու կարեւոր առաքելութեանը եւ ազգային կեանքում անուրանալի դերակատարութեանը, խօսեց Եկեղեցի-պետութիւն յարաբերութիւնների ու գործակցութեան մասին: ՀՀ վարչապետը ներկայացրեց Վրաստան կատարած իր պաշտօնական այցի արդիւնքները, պատասխանեց նաեւ եկեղեցականների հարցերին, որոնք վերաբերում էին ներհայաստանեան կեանքի զարգացումներին, ղարաբաղեան հակամարտութեան կարգաւորմանը, հայրենի պետութեան արտաքին քաղաքականութեանը եւ Սփիւռքին:

Ամփոփելով հանդիպումը՝ Ամենայն Հայոց Կաթողիկոսը վերստին իր բարեմաղթանքներն ուղղեց ՀՀ վարչապետին՝ ընդգծելով, որ անկախ պետականութիւնը Հայոց Եկեղեցու դարերով փայփայած երազն է եղել, եւ հայրենիքի զօրացումը պիտի շարունակի մնալ Եկեղեցու մշտական առաքելութիւնը:

Նախարարը՝ նշելով, որ պետք է ջանքեր ներդնել եւ բացատրել հնարաւորինս պարզ եւ յստակ, որ Հայաստանը յարաբերութիւններ մէկուն հետ միւսին հաշուին կամ հակառակը երբեք չէ կառուցած եւ նպատակ չունի կառուցելու: Նախարարը հաւաստիացուցած է, որ Եւրոպական Միութեան հետ 2017 Նոյեմբեր 24-ին ստորագրուած եւ վաւերացման փուլի մէջ գտնուող Համապարփակ եւ ընդլայնուած գործընկերութեան մասին համաձայնագիրը չէ ստորագրուած եւ չ'իրականացուի: Կարեւոր է միւս ուղղութիւններուն, բայց կը համարել այն ամէնը, որ Հայաստանը կ'ընէ իր շահերուն համար:

Θεατρική παράσταση στο Δημαρχείο Π.Φαλήρου



Παρουσία του πρώην Υπουργού κ. Μιχάλη Καρχιμάκη, του Δημάρχου Π.Φαλήρου κ. Διονύση Χατζηδάκη, της Αντιδημάρχου κ. Βίκυς Ανδρικοπούλου καθώς επίσης της Προέδρου της ΓΑΕΑ κ. Ο. Καραγιάν, η θεατρική ομάδα « Τζιατζάν» του Ελληνοαρμενικού Αθλητικού Φιλολογικού Συλλόγου «ΑΡΑΡΑΤ» παρουσίασε για τρίτη φορά την θεατρική παράσταση του Αγκόπ Μπαρονιάν βασισμένο στο έργο του Ιταλού κωμωδιογράφου Κάρλο Γκόλντονι «Υπηρέτης δυο αφεντάδων», στην αίθουσα του Δημαρχείου Π.Φαλήρου με την προσέλευση του κόσμου να είναι συγκινητική !!!



Ενα κοινό που γέλασε και καταχειροκρότησε τους συντελεστές όπου έδωσαν την ψυχή τους σε αυτή την κωμωδία.

- Την σκηνοθεσία του έργου είχε αναλάβει ο Χάικ Κασαρτζιάν. Την μετάφραση απο τα αρμενικά στα ελληνικά η Γεράν Γαζαριάν. Μουσική επιμέλεια του Νίκου Χατζηελευθερίου.
- Σκηνικά Ντίνα Καλλιμάνη
Και κείμενα αφηγητή -στίχοι τραγουδιών Αντώνη Πετράτου .
Αφηγητής Άρμαν Μενεπιάν
Ηθοποιοί:
1) Άντον : Κρικόρ Τσαπαριάν
2) Θεόφιλ : Χέρμαν Μενεπιάν
3) Υπηρέτης Κόμικ : Σωτήρης Σεμερτζιάν
4) Μαρκρίντ κόρη Άντον : Γεωργία Μαρκίδη
5) Γερβάντ ανιψιός Θεοφιλ : Αναστάσης Παναγιωτάκης
6) Πιραπ μητέρα Κόμικ : Σόνα Καλσιάν

Ενα μεγάλο Ευχαριστώ εκ μέρους του ΔΣ του συλλόγου «ΑΡΑΡΑΤ» αλλά και όλων των συντελεστών της θεατρικής ομάδας, στον κόσμο που αγκάλιασε την προσπάθεια μας και μας τίμησε με την παρουσία του.

Ιδιαίτερες ευχαριστίες προς τον κ. Δ. Χατζηδάκη και την κ. Β. Ανδρικοπούλου που δίχως δεύτερη σκέψη μας παρείχαν ότι χρειαζόνταν για την υλοποίηση της παράστασης.



ΑΝΑΚΟΙΝΩΣΗ ΓΙΑ ΤΙΣ ΕΓΓΡΑΦΕΣ ΜΑΘΗΤΩΝ

Αγαπητοί Γονείς,

Σας ενημερώνουμε ότι οι εγγραφές των μαθητών για τη νέα σχολική χρονιά 2018-2019, αρχίζουν την 1η Ιουνίου 2018 και θα ολοκληρωθούν στις 21 Ιουνίου 2018. Πιο συγκεκριμένα, για τους μαθητές που θα φοιτήσουν στο Νηπιαγωγείο και την Α' τάξη Δημοτικού οι εγγραφές ξεκινούν από την 1η Μαΐου 2018.

Δικαίωμα εγγραφής έχουν:

1. Στο Νηπιαγωγείο, τα παιδιά που γεννήθηκαν το 2013 (νήπια) και 2014 (προνήπια).
2. Στην Α' τάξη του Δημοτικού, τα παιδιά που γεννήθηκαν το 2012.
3. Η εγγραφή στις υπόλοιπες τάξεις γίνεται με το συνηθισμένο τρόπο.
4. Για τις εγγραφές στο Νηπιαγωγείο και στην Α' τάξη Δημοτικού, χρειάζονται πιστοποιητικά για τα οποία θα ενημερωθείτε από τη Διεύθυνση του Σχολείου.

Παρακαλούμε για την έγκαιρη τακτοποίηση των εγγραφών των παιδιών σας.

Θα τηρηθεί αυστηρά σειρά προτεραιότητας όσον αφορά τις θέσεις των μαθητών στα σχολικά λεωφορεία. Η άμεση ανταπόκριση όλων, βοηθά στην ομαλή λειτουργία του Σχολείου και στην εξασφάλιση των μεταφορικών μέσων.

Στοιχεία επικοινωνίας

- *Τηλ. Σχολείου: 210- 9816679 (πληροφορίες: Μπεναρδή Μαρία-Ελένη)
- *Τηλ. Γραμματείας: 210- 9825685

Επισκεφθείτε την ιστοσελίδα του Σχολείου μας για περισσότερες πληροφορίες.

www.agbuathens-artakikalpakianschool.gr

Διευθύντρια
Μαρία-Ελένη Μπεναρδή

**ԱՐԶԱՆԱԳՐՈՒԹԻՒՆՆԵՐ
Հ.Բ.Ը.Մ. «Ա. ԳԱԼՓԱՔԵԱՆ» ՎԱՐՃԱՐԱՆԻ**

Միբելի Օսոդր,

Կը տեղեկացնենք թէ 2018-2019 դպրոցական տարեշրջանի արձանագրութիւնները, պիտի կատարուին Յունիս 1-էն մինչեւ 21 Յունիս 2018-ին: Յատկապէս Մանկապարտէզի եւ Ա. դասարանի աշակերտներուն համար, պիտի կատարուին Մայիս 1-էն:

Արձանագրութեան իրաւունք ունին.-

1. Մանկապարտէզ, այն երեխաները որ ծնած են 2013-ին (Օտարիկ) եւ 2014-ին (Կոկոն):
2. Ա. դասարան, այն երեխաները որ ծնած եւ 2012-ին:
3. Մնացեալ դասարաններու աշակերտներուն համար, արձանագրութիւնները կ'ըլլան սովորական ձևով:
4. Մանկապարտէզի եւ Ա. դասարանի արձանագրութեան, հարկ եղած հաստատագրութիւններուն համար, կրնաք իմանալ սնորհութենէն: Կը խնդրուի արձանագրութիւնները կատարել վերոյիշեալ ժամանակամիջոցին մէջ:

Ձեր անմիջական կապակցութիւնը Տնօրէնութեան հետ, անհրաժեշտ է, ապահովելու համար յառաջիկայ դպրոցական տարեշրջանի դպրոցի հեզասահ գործունէութիւնը, ինչպէս նաեւ դպրոցական ինքնաշարժերու կարգաւորումը:

Ձեր ուշադրութեան կը յանձնենք, թէ աշակերտներու տեղերը ինքնաշարժերու մէջ պիտի ապահովուին, ըստ արձանագրութեան թուականին:

- Հեռախոսներ.- Տնօրէնութիւն՝ 210-9816679
- Հ.Բ.Ը.Մ. Քարտուղարութիւն՝ 210-9825685

Տնօրէնութիւն

Սամանթա Փաուրը Երեւանի մէջ պիտի մասնակցի «Աւրորա»-ի ձեռնարկներուն



ՄԱԿ-ի մէջ Միացեալ Նահանգներու նախկին դեսպան Սամանթա Փաուրը պիտի մասնակցի Յունիս 8-էն 10 Հայաստանի մէջ տեղի ունենալիք «Աւրորա» միջազգային մարդասիրական նախաձեռնութեան ձեռնարկներուն:

2017 թուականի Դեկտեմբերին ան «Աւրորա» մրցանակի Ընտրող յանձնաժողովի անդամ է:

Յունիս 8-ին Հայաստանի Ամերիկեան համալսարանին մէջ պիտի կայանայ հանրային գրոյց Սամանթա Փաուրի եւ մարդու իրաւունքներու պաշտպան Ճոն Փրենտերլասթի հետ: Զրոյցին ներկայ գտնուելու համար կրնաք արձանագրուիլ այս յղումով:

Մինչեւ ՄԱԿ-ի մէջ աշխատիլը Սամանթա Փաուրը ծառայած է ԱՄՆ Ազգային անվտանգութեան խորհուրդի մէջ՝ որպէս նախագահի յատուկ օգնական եւ բազմակողմանի յարաբերութիւններու եւ մարդու իրաւունքներու գրասենեակի գլխաւոր տնօրէն:

Շարունակուած էջ 3-էն

Նիկոլ Փաշինեանի Թաւշեայ...

Ընդհանրապէս անհրաժեշտ է խուսափիլ, որքան որ կարելի է, հայ ժողովուրդին յատուկ արտայայտութեանց ձեւերուն մէջ չափազանցութիւններէն: Մէկ կողմէ պետք չէ նախկին իշխանութեան բոլոր մասնիկները եւ անոնց հետ գործողները նախատինքի ենթարկել: Ի վերջոյ այնտեղ կային մեծ թիւով պարկեշտ, հայրենասէր եւ կարող ու փորձառու անհատներ որոնց շարունակական ներկայութիւնը եւ մասնակցութիւնը այսօրուայ կատարուելիք աշխատանքին համար անգին հարստութիւն մըն է որմէ պետք է օգտուին երկիրը եւ ժողովուրդը:

Նոյնպէս անհրաժեշտ է խուսափիլ միւս ծայրայեղութենէն որ կը կայանայ նոր իշխանութեան գլուխը եղողները նկատել կատարեալ եւ ամենակարող: Ամենաբարի նկատումներով իսկ պետք է խուսափիլ խանդավառութիւնը անհատի պաշտամունքի վերածելու փորձութենէն: Ճիշդ այս փորձութիւնն է որ անցեալին թէ Հայաստանին եւ թէ ամբողջ աշխարհին մէջ ազնուագոյն ղեկավարները տարիներ ետք յաճախ դարձուցած է ամբողջատիրական դատապարտելի անձնաւորութեանց:

Ի վերջոյ երբ ընդհանուր ակնարկ մը կը նետենք կը տեսնենք թէ ի պատիւ Նիկոլ Փաշինեանին Մայիս 8-ի վաղորդայինն իր կազմած նոր կառավարութեան անդամները, ընդհանուր առմամբ լուստեսութիւն կը ներշնչեն իրենց ունեցած ակադեմական պատրաստութեամբ եւ յաճախ նաեւ աշխատանքային նախորդող փորձառութեամբ: Բնականաբար, սակայն, անոնցմէ իւրաքանչիւրը պարտի գիտնալ թէ միայն այսօրուրնէ սկսեալ իր կատարելիք գործունէութեամբն է որ ինք պիտի գնահատուի:

Նոր իշխանութիւնը պարտի հիմնական աշխատանքի որպէս ձեւ որդեգրել հաստատուած չափանիշներով ինքնաքննադատութեան եւ ինքնագնահատման դրութիւն մը որուն մաս կազմէ նաեւ որոշ յաճախականութեամբ մը՝ ստացուած արդիւնքները համաժողովրդային հարցաքննման (polls) ենթարկելու սովորութիւնը: Մէկ խօսքով անհրաժեշտ է ամէն միջոց ձեռք առնել կանխելու համար լուսագոյն նպատակներով սկսուած գործը ժամանակի ընթացքին բթանալու եւ

չարափոխուելու վտանգը:

Վերջապէս կը մնայ «Սփիւռք»ը: Այն Սփիւռքը որ կը հաշուէ բուն հայրենիքի բնակչութենէն շատ աւելի քան կրկնապատիկը թիւ եւ ուր կան բազմաթիւ տաղանդներ եւ նոյնիսկ համաշխարհային ամենաբարձր յաջողութեանց հասած անհատներ, այնտեղ կան բազմաթիւ լուսագոյն նպատակներով ստեղծուած կազմակերպութիւններ, կան հարիւրամեայ փորձառութիւն եւ գործունէութիւն ունեցող աստղական կուսակցութիւններ, Հայաստանեայց Առաքելական Եկեղեցին եւ այլն: Այս բոլորն ալ այս օրերուն, հայրենիքի ժողովուրդին հետ կ'ապրին լուստեսութեան, խանդավառութեան եւ հայրենիքին օգտակար դառնալու անկեղծ տրամադրութեան մը մէջ:

Ամենամեծ վարկածը այս օրերուն՝ ինչպէս անցեալին՝ կը կայանայ Սփիւռքի այս մեծ կարելիութիւնները ի շահ հայրենիքին լուսագոյն գործածելու միջոցը գտնելուն մէջ:

Այսօր ուրիշներու կարգին՝ գոհունակութեամբ կ'ողջունենք Հայաստանի Հանրապետութեան Սփիւռքի նոր նախարար Մխիթար Հայրապետեանի նշանակումը: Երիտասարդ այս նոր նախարարը ինք եւս միւս բոլորին նման իր նոր պաշտօնը կատանձնէ լուսագոյն տրամադրութիւններով: Այստեղ ստիպողաբար կը յիշեմ նախորդ նախարարուհին, որուն որոշ չափով ծանօթ էի իր պաշտօնի կոչուելէն առաջ, եւ որուն պատահեցաւ որ կը հանդիպէի օր մը իր պաշտօնի կոչուելէն անմիջապէս առաջ: Ես ինքս որպէս սփիւռքահայ կեանքին բաւական ծանօթ եւ մասնակից մէկը շատ ուրախ էի այն օրը յուսալով առիթը ունենալ, անպաշտօն կերպով, կարգ մը կարծիքներ փոխանցելու այս կարելու նոր պաշտօնին կոչուելիք անձնաւորութեան: Սակայն այդ հանդիպման առիթով մի քանի ժամուան ընթացքին, չեմ կարծեր թէ մի քանի նախադասութիւններէն աւելին կրցայ տեղաւորել այն արդէն իսկ կազմուած իր գաղափարներուն եւ ծրագիրներուն տեղատարափին մէջ՝ որ ստիպուած ունկնդրեցի այս «երկու հոգիներով» ունեցած մեր «երկար խօսակցութեան» ընթացքին...

Այս անգամ մաղթանքս է որ նորանշանակ նախարարը հանգիստ ժամանակ տրամադրէ եւ լուրջ պրպտումներ կատարէ, դիմելով սփիւռքին ծանօթ տարբեր հաւաստի աղբիւրներու, նախ քան վերջնական ծրագիրներ մշակելը: Մասնաւորապէս այստեղ կ'ուզեմ մատնանշել, ենթադրաբար իրեն

վերագրուած մէկ արտայայտութիւնը որ կը վերաբերի իբրեւ թէ Հայաստանի մէջ «Սփիւռքի Խորհրդարան» մը կազմելու իր գաղափարին:

Խորհրդարան կը նշանակէ Խորհրդարանի ընտրուած անդամներ որոնք կու գան հաւաքականութենէ մը ուր կը տիրէ որոշ կարգ կանոն եւ օրէնքի գործադրութիւն որուն միջոցաւ այնտեղ կը կատարուին ընտրութիւններ: Արդ Սփիւռքը բացի անկէ որ իր մէջ կը պարփակէ իսկապէս հսկայական կարողութիւններ եւ հարստութիւն, ինչպէս նաեւ մեծ բարի տրամադրութիւն, գուրկ է ընտրութիւն կատարելու բոլոր նախապայմաններէ: Այնտեղ կայ ոչ ընդհանրական կարգ, ոչ կանոն եւ ոչ ալ օրէնք: Հետեւաբար որեւէ ջանք կամ յաւակնութիւն անկէ բխած «Խորհրդարան մը» կազմելու՝ անխուսափելիօրէն սահմանուած է ամբողջական ձախողութեան: Այս պատճառաւ իսկ նորանշանակ նախարարին անկեղծ եւ շեշտուած յանձնարարութիւն պէտք է տալ մէկ կողմ դնել այսպիսի որեւէ ծրագիր: Միւս կողմէ սակայն շատ աւելի արտադրողական (productive) պիտի ըլլայ որ նախարարը կազմէ իրեն օգնող «խորհրդատու մարմին» մը որուն անդամները զատուին ըստ իրենց ունեցած անհատական կարողութեանց եւ գործունէութեան վաստակին՝ նկատի առնելով անցնող տարիներուն ընթացքին Սփիւռքին մէջ իւրաքանչիւրին ունեցած շոշափելի եւ տեսանելի քոնքրէթ գործունէութիւնը եւ ձեռք բերած արդիւնքները:

Այսքանով կ'ուզեմ եզրակացնել այս ընդհանուր ակնարկը կրկնելով վերնագրին մէջ արտայայտած միտքս թէ իսկապէս Նիկոլ Փաշինեանի ղեկավարութեամբ տեղի ունեցած Թաւշեայ Յեղափոխութիւնը Հայոց Պետականութեան 100-ամեակի նշումներուն եւ տօնակատարութեանց դափնեպսակը հանդիսացաւ:

Միւս կողմէ, այդ հանգամանքը պիտի աւելի եւս ստորագծուի եւ ամրանայ յառաջիկայ ամիսներուն եւ տարիներուն՝ պայմանաւ որ ստեղծուած աննախադէպ անկեղծ խանդավառութեան եւ արդարութեան հանդէպ յարգանք ներշնչող մթնոլորտը խելացի կերպով շարունակուի եւ գործի վերածուի, եւ ամէն կերպով ջանք թափուի խուսափելու նախատեսելի անցեալի սխալներու կրկնութենէն:

Մրտանց յաջողութիւն մեծայարգ Պրն. Վարչապետ Նիկոլ Փաշինեան Ձեզ, Ձեր բոլոր գործակիցներուն եւ յաւերժական Հայաստանին եւ հայ ժողովուրդին: